

M. PAULI JUUSTEN,  
EPISC. QUONDAM AB.  
**CHRONICON EPISCOPORUM  
FINLANDENSIVM,  
ANNOTATIONIBUS ET SYLLOGE MONU-  
MENTORUM ILLUSTRATUM.**

---

CUJUS  
PARTICULAM IV,  
CONS. FACULT. PHILOS. R. ACAD. ABOËNSIS,

PRÆSIDE  
**HENRICO GABRIELE  
PORTHAN,**

ELOQU. PROF. REG. ET ORD. R. ACAD. H. T. RECTORE,  
*Publicæ honorum censuræ offert*

**JOHANNES BOXSTRÖM,**

Nylandus, Stip. Reg.

In AUDITORIO MAJORI die XX Junii

A. MDCCCLXXXVII.

H. A. M. S.

---

**ABOÆ, Typis FRENCKELLIANIS.**

## THESES RESPONDENTIS.

*Thes. I.* Ut conditio ingeniumque hominum, antiquissimis temporibus representationes symbolicas utiles necessariasque reddidit; ita hodie etiam in plebe puerisque docendis usu non carent; ubi tamen diligentissime cavendum, ne, quod olim evenit, ex symbolis parum subtiliter intellectis, errores noxii nascantur.

*Thes. II.* Recte cecinit HORATIUS: *quid leges sine moribus vanæ proficiunt?* Mores autem ab institutis, educatione & religione, in primis pendent.

*Thes. III.* Licet de pretio atque certitudine Theologiae Naturalis contemtim minime sentiamus; fatemur tamen, nullum adhuc hominem Revelatiois vel traditionis luce nihil adjutum, satis dignas, quales hodie Philosophi adstruunt, de Summo Numine, ut Creatore Gubernatoreque rerum omnium infinito, notiones animo informasse.

*Thes. IV.* Inter inania acumina referimus illa Nabarzanis verba apud Curtium: *Fortium virorum est magis mortem contemnere, quam odire vitam.* Verius mox adjicit: *Sæpe tædio laboris ad vilitatem sui compelluntur ignavi: at virtus nihil inexpertum omittit.*

*Thes. V.* Carcerum publicorum savitria, quæ apud gentes Europæas plerasque adhuc obtinet, barbaras magis quam cultas politasque decet nationes; nec humanitati convenire optime videtur, ut ii quorum nondum caussa cognita est, cum facinorosis scelerum jam convictis condemnatisque indiscrete eidem careeri includantur.

*Thes. VI.* Molles gentes luxuque corruptæ, a barbaris haud uno nomine non tantum distant quantum vulgo putatur.

*Thes. VII.* Quin Historia illa Susannaæ quæ Bibliis nostris vulgo adjicitur, fabula sit, eaque satis inepta, dubitari nequit.

*Thes. VIII.* Quamvis negandum haud sit, egregia omnino esse veterum opera pleraque quæ ad nos pervenerunt; valde tamen imperitum merito habemus Heumannii judicium (Consp. R. Lit. C. IV, §. XIV) *e prisco ævo non nisi optimos scriptores superesse*, pronuntiantis.

*Thes. IX.* Tantum omnino mores Principum virorum, qui quidem diutius imperii habens tenent, in homines inferioris conditionis vim habere plerumque solent, ut proverbium illud, qualis Rex talis rex, a veritate non omnino debeat existimari alienum.

mis operam dare cōperint, & piraticam exercere: verisimile tamen videtur, exemplo vicinorum suorum, maximeque congenitorum sibi Estonum, famosorum olim piratarum (16), Sinus Fennici accolas australiorisque Finlandiae insularum habitatores, quos piscandi studium ex quori arando adsuefecerat, ferum hunc morem primos didicisse, & ad populares suos propagasse (17). Nec im-

G

pro-

(16). Vid. ex. g. GRUBERI *Origin. Livon.* p. 22, 24, 28, 76 &c. Nāvum, quibus utebantur, magnitudo vel inde existimari potest, quod in una 60 viros fuisse occisos, ibidem dicitur. Cfr. etiam SAXO Grammat. Lib. XIV, p. 329. Ed. Stephanii, & LÄGERBRING l. c. C. 9. §. 5; c. 12, §. 21. Non est autem improbatum, florentem Gotlandensem mercaturam, & navigationem ad portus Rufficos frequentem, piraticæ huic studio excitando materiam imprimis caussamque præbuisse. Cfr. KRANTZII *Wandal.* L. II, C. 29, p. 38.

(17). Nec abludit a vero, inter piratas, qui seculo XII & XIII Svecica fæpe infestasse littora leguntur, Fennos etiam quosdam australiores fuisse; Estoniae enim quod omnes fuisse afferunt, præter veterum sit monumentorum auctoritatem. Pagani tantum vocantur, nationis ad quam pertinerent mentione non injecta, qui a. 1187 vel 1188 Archiepiscopum Upsaliensem Johannem occidisse, & civitatem Sigtunensem combussisse memorantur. Vid. *Chronicon ab OL. CELSIO* (Ups. a. 1705 8:o) edit. p. 2; *Chronica apud BENZELIUM Monum. Eccl. Sveog.* p. 15, 35, & 83; & *Diarium Visbyense* apud LÜBEWIG. Reliqu. *Mss. omnis ævi*, T. 9, p. 176. Ita, ut non omnino frustra miretur SCHEFFERUS, (Not. ad *Chronicon Archiep. Upsal.* p. 13) unde hauserit Johannes Magnus, quem deinde secuti sunt reliqui, quod scribit Esthonas fuisse. Castigat quidem hoc nomine Schefferum CELSIUS (l. c. p. 32), ad ea illum ablegans quæ alio loco habet ERICUS OLAI de *Estaklippa* (p. 116. Ed. in 4:o) & *Chron. Rhythmicum majus* de *Estaskidr* (p. 33); sed vereor ut hæc evincant, ab Estonibus solis istas expeditiones fuisse susceptas. *Chronicon certe Rhythmicum* (p. 32 & 33) Carelius & Russis diserte tribuit, dicens

Sverige hade myckin wade  
Af Carelom, of stoer caade,  
The foro bswer hasvet of in i Måla

probabile est, a piratis aliarum gentium, qui mare Balticum diu ante infestaverant, lacesitos, injuriarum etiam ulciscendarum studio ad eosdem imitandos fuisse impulsoſ. Quicquid sit, a barbari hujus moris culpa majores nostros plane immunes haud fuisse, vel reliquæ carminum vetustorum docent, manifeste ad illum alludentes. Sic in tali quodam carmine fingitur, navem a Deo majorum nostrorum celebratissimo *Wāināmbinen* affabre ædificatam, quam diutius ille super textrino otiosam reliquerat, his verbis fortè deplorasse suam:

Muut purret, pahennmat purret,	Aliæ naves, pejores naves,
Zotk' aina sotia kāywāt,	Quæ semper præliatum eunt,
Quowat tāhtensā rahoja,	Redeunt plenæ pecuniis,
Allaisensa aartehia;	Refertæ ventrem thesauris;

Mi:

---

At the brände opp Siktuna ==  
Joan Arkiebiskop wart ther slagin ==  
Theſ gläddes Carela och Ryßaland.

Cui concinit ERICUS OLAI, verbotenus fere Chronicī hujus narrationem exprimens (p. 116). Quo loco simul observamus, cladem piratarum, quæ monti nomen *Eftaklippa* vel *Eftaskiär* dedit, viginti fere annis post Sigtunam combustam contigisse videri; nam prior incursio bene illis succedit, in posteriori ab uxore Ducis Johannis quem occiderant, internecione deleti sunt: annumque 1206, quem habet I. c. ERICUS OLAI, hanc spectare incursionem putamus, atque textum ejus ita esse constituendum; illam enim superiorem a. jam 1187 factam fuisse, antea significaverat (p. 101), ac vix temere, sibimet ipsi aperte adeo contradixisse existimandus est. *Carelios* autem *Fennici* fuisse generis, extra dubium est, & cum *Russis*, imo etiam *Tavastis* conjunctos, Svecos infestasse, infra videbimus. *Estonum* præterea nomen, non uni modo illi genti quam hodie vocamus, sed pluribus littus maris Baltici *orientale* occupantibus, tributum olim fuisse, ipsa ejus significatio, *Orientales* in genere denotans, suspicandi cauſam præbet.

Mindahon lastuillani, Ego putresco super asuluis (\*) meis,  
Wenyn westimōisillāni. Dissolvor super segmentis (\*) meis.

Verisimile non est, vel hujus moris vel hujus carminis natales, ad tempora Christianæ religionis apud maiores nostros propagationem subsecuta, referri debere. Ac vel copia vocabulorum indigenorum, quæ ad res varias nauticas significandas in lingua vernacula suppetit, haud neglectam a majoribus nostris fuisse ostendit. Sic præter nomina navigiorum minorum varia, Ruuhi, Karwas I. Kurpas, (Haapio), Wenhe, habemus Lihti, Alus, Laiwa, Purši, (Haapi), quæ diversa navium majorum genera indicant. Ut alia quædam ejusdem rei taceam indicia.

Tertiam belli causam, quam penitus ignorant veteres, recentissimi addunt auctores (18); vindicandi nempe imperii, quod jam olim in has provincias acquisiverit populus Svonicus, ex victoriis imprimis Regum Ericorum, Emundi Filii & Victoriosi, arcessendi: qua de re quæ nobis sententia sedeat, ex ultima hujus notæ elucebit parte,

*Ad quam Finlandia oram classis appulerit Svecica, sollicite disquirit Auctor Dissertationis de S. Henrico, supra jam citatæ (19); variisque variorum adductis conjecturis (argumentis enim nituntur nullis, sed incertis rumoribus & plebeculæ suspicionibus), verisimillimum putat in vicinia urbis Aboënsis armatos Apostolos exscensionem fecisse. Ac licet adductis ab eo sententiae firmandæ ratio-*

(\*) Nempe quæ ex trabibus iis quibus navis ædificata erat, exstinxerat & abscessæ, navale tegebant.

(18) VON DALIN I. c. §. 3. Cfr. LAGERBRING I. c.

(19) P. I. §. XV — XXII.

nibus plerisque parum roboris inesse fateamur; tamen prorsus nihil putandum non videtur (ut commoditatem loci taceam, & quam ex Alandia navigantibus insularumque interjectarum ordine percurso excisionem in continenti terra facere cupientibus, offert situs, opportunitatem), sedem novæ religionis præcipuam hic locorum non multo post constitutam reperiri, Templum Cathedrale non procul ab hoc littore fuisse exstructum, urbem totius regionis primam conditam, & arcem propter ostium amnis munitam: quæ quamvis sensim evenisse haud negsciamus, demonstrare tamen non obscure primi appulsus, belli & victoriæ locum videntur; maxime si & morem temporum, & necessitatem, tuendæ sele causa contra incolarum assultus, stabilem protinus novæ coloniæ sedem eligendi ac firmandi, aliarum denique exempla hujusmodi expeditionum, cum olim (20) tum recentiore ætate (21) suscepturnarum, in memoriam revocamus.

*Quam late arma sua Sveci prima hac expeditione circumstulerint, quamque magnam Finlandiæ partem mox subegerint, definiri quidem exacte nequit: vix tamen nisi maritimam Finlandiæ propriæ sic dictæ (ac forte *Satacundiæ?*) oram, nec non *Nylandiæ* adiisse, probabile est; magisque austrum versus quam orientem & septentriōnem, suam dilatassè ditionem videntur (22); cuius con-*

(20). Ut quæ antiquior suppeditat Historia præteramus exempla, legi possunt quæ de vicina Livoniæ & Estoniæ expugnatione atque ad sacra Christiana conversione habet vetus Chronicum quod exhibet GRÜBERUS l. p. 217. sive 218. (21)

(22). Cfr. Historia coloniarum ab Europæis in utraque India conditarum atque communitarum.

(23) Rationes cur hoc credamus, præcipue ex coloniis Svecieis pe-

fili rationes facile ex ipso situ locorum reperire licet.  
In parœcia quidem *Kiulo* occisum fuisse *S. Henricum*,  
adeoque ad borealem plagam iter tum suum, incolas-  
que vel instituendi vel domandi studium, convertisse,

timus, maritiman *Nylandia* oram totam, usque ad fluvium *Kymmenē*,  
& paullo ultra, hodieque tenantibus; cum *Finlandia* contra proprię  
dictę, in primis borealis, atque *Satacundia* oris, vix ulli insidere *Sveci*  
reperiantur, (paucos enim in parœciis *Saftmola* & *Ulfby* reperiun-  
dos, ex vicina *Ostrobothnia* advenisse, palam est): quamvis non nege-  
mus, & ex *Alandia*, quæ diu antea ad *Svecos* pertinuisse videtur, hu-  
jus gentis homines ad propiores *Fennici* etiam archipelagi (*Skären*)  
insulas fortassis transiisse sensimque sedes suas protulisse? & permixtas postea  
varie gentis utriusque sedes fuisse, ita ut in primis *Fenni* quedam  
nunc loca occupent, quæ ad *Svecos* aliquando pertinuisse, vel ex nomi-  
nibus eorum *Svecanis* liquet; ut nec omnes, ex insulis quas *Sveci*  
occupabant, *Fennos* mox fuisse submotos, ex *Fennicis* multarum nomi-  
nibus, mirum licet in modum plerumque depravatis, colligere licet.  
Quin insulæ etiam, continenti quidem propiores, boream versus ab  
*Aboa* sitæ, atque post *Töffalenses* illas singulæ, *Fennicos* habent incolas;  
qui nullas fere australiores incolere inveniuntur. Et climatis i-  
psius benignior indoles huic consilio caussam dedisse videtur, & forte  
major quoque periculi & inquietationis ab his *Estonum* *Careliorumque* vi-  
cinis ac sociis metus, nisi a mari, vicinia fuissent longius remoti. Se-  
des autem coloniæ quod præcipue hæc terra pars delecta fuisset, inde etiam a  
*Fennia* distingta fuit & nomen *Nylandia* (*Terræ Novæ*) ei in primis tributum.  
Minime tamen Nobilissimo *STIERNHÖÖK* assentiri possumus, (*de Fure Sveo-  
num & Gothor. vetusto*, L. I. C. I. p. 19. sqq.), Regem eundem *Careliam* quo-  
que adiisse & occupasse afferenti, *Wiburgique* (quod fere sesquicentio re-  
centius est) commoratum leges etiam huic urbi easdem privilegiaque  
quibus civitas *Upsalensis* traxebatur, concessisse: quem mirum errorem  
(secure nos & temere ab aliis repetitum, ex. gr. *LOCENIO. Hist.*  
*Svec.* (ed. 2:da 1676 in 4:o curatæ) p. 77; v. *DALIN* l. c. §. 6. p.  
108; Auctore *Diss. de S. Henrico* P. I. §. XVI, not. (x), p. 45 sq.)  
unde hauserit, consciere nequeo; nec ubi *Divi Erici* illa privilegia  
*Wiburgo* data, quæ *Gustavo I & Carolo IX* pro authenticis agnita  
& confirmata ibidem affirmat, invenerit, reseire valsi. Num aliquis qui  
semisomnis *HUITFELDIUM* legerat (*Danmarkis Rigit Brönide*, l. Part.

veteri fama (de qua infra) traditur; sed ultra *Björneburgensis* tamen hodiernæ urbis viciniam, primos hosce suos socrorumque conatus haud fuisse progressos, Historia etiam suscepit centum fere annis serius *Birgeri* Ducis in Ostrobothniam Tavastiamque expeditionis indicat, ac quæ de fortuna & conditione incolarum, borealiores terræ partes habitantium infra adferentur, confirmabunt (23). Quin aliquam copiarum partem Rex *Ericus*, ea-

---

p. 104), postquam mentionem Erici Jadwardi fecisset, narrantem, Regem Danicæ *Svenonem* (Grathe) *Viburgum* (Suthiæ urbem) a 1150 communiisse ac variis privilegiis ornasse, hæc ad *Wiburgum Careliae* urbem, regnanteque eodem circiter tempore in Svecia Regem *Ericum* stulte traxit, eoque turpi errori ortum dedit? Recte autem fabulam rejectit jam WILDE *Sveriges Lagars grund* &c. §. XXVI, p. 69.

(23) In *Tavastiam* usque penetrasse, si non Regem ipsum, reliquias tamen hic Svecos, ex Literis colligi posse videatur Papæ *Gregorii IX*, Uppsaliensi Archiepiscopo & suffraganeis ejus missis, dat. Laterani V idus Decembris a:o (pontificatus) XI (h. e. A. C. 1237), quæ habentur apud *VASTOVIVM Vit. Aquil.* Ed. Colon. p. 176. & *GRUBERUM I.* c. p. 261. Docent enim transmissas ad Pontificem Antistitum horum literas continuisse, illorum qui *Tavasti* dicuntur nationem olim multo labore & studio eorundem Antistitum & prædecessorum suorum ad fidem catholicam conversam extitisse, quare etiam barbari iidem Apostolæ appellantur. Sed verba Pontificis non esse nimis premenda, illamque *Tavastorum* conversionem aliquanto serius factam fuisse, cum alia quædam argumenta indicant, tum quod ecclesia illa *Tavastensis* in iisdem literis *novella ecclesiæ Dei plantatio de Tavastia* vocatur, (unde Fennicæ cæteris recentiorem fuisse credas), confirmat; forte post constitutas demum curatius feculi XIII initio apud nos res ad religionis curam regimenque ecclesiæ pertinentes, fundata.

Quod autem Generos. Dn. DALIN aliique (Vid. *Diss. de S. Henrico P. I.* §. XVII,) post Dn. *Er. Frosterum* (cujus illas *Obsf. ad antiquit. Ostrobotnicas* pertinentes ms. ad manum habeo) narrat, l. c. §. 6, p. 108, R. *Ericum IX* Ostrobothniam quoque subegisse, excensione prope *Korsholmiam* facta, id eo minus debuisset commemorari, quo

dem adhuc æstate (ut ex Auctoris nostri narratione in vita b. Henrici patet) domum reversus, hic locorum reliquerit, & religionis propagandæ ministris præsidio futuram, & victum bello populum in fide contenturam, dubitari non potest; quam etiam castro quodam contra subitos incolarum impetus sese muniisse, non est improbabile, unde prima fortasse arcis Aboënsis initia arcessenda sint (24)? Atque hujus opportunitate expeditionis usos, colonos quoque Svecos sedes in objectis Finlandiæ Nylandiæque littori insulis (Skåren) maritimaque posterioris hujus provinciæ ora fixisse, verisimile est; ut simili occasione consilioque Dux Birgerus postea australiorem Ostrobotniæ oram coloniis Svecicis habitandam dedit. Non enim aliis, ad has terras, ante *Thorkillum Cantuti filium* postea suscepitæ expeditionis, memoria exstat (25): hac

diligentius Dn. MATHESIUS (Diff. de Ostrobotnia, p. 31, not. k), quitestis laudatur, & unde illam narrationem Vir Generosissimus sumvit, jam monuerat, *Frosterum* errore manifesto R. Ericum IX cum Erico XI, & expeditionem illius cum posteriore quæ hujus tempore, ductuque Birgeri Ducis, suscepta fuit, confudisse.

(24) Prima enim arcis hujus extructio ceterum ignoratur; antiquam tamen esse, & primarium olim fuisse Finlandiæ castrum, satis constat. Cfr. RHYZELII *Sviogoth. munit.* p. I. seq. ubi quæ (post Dissertationis de S. Henrico auctorem, P. I, p. 54 sq.) commemorat ille vestigia expeditionis R. Erici Sancti, quam parum certa sint, vel ex nomine æquoris (fiārð) quod insulas Runsalø, Hirvisalo, Satava, Rimito &c. interluit, discere licet, quodque a Fennico *Airisto* corrupte Sveci *Erfstan* pronuntiant; id ille nempe ab *Erikstan* (nescio qua commoda significatione) ortum, admodum improbabiliter docet.

(25). Ducas *Guttormi* & Archiepiscopi *Stephani* expeditionem, quam a. circiter 1164 suscepitam fuisse tradit OERNHJÄLM (l. c. C. V. p. 491) & cum eo alii, fictam esse ac idoneo teste plane destitutam, luteulenter docet LAGERBRING l. c. C. 8, §. 8 p. 185. sq. Quin nec ipsæ illæ ad quas provocant, literæ Papæ *Alexandri III*, datæ Tuseu-

hac autem antiquiores, Svecorum in his oris sedes utique videntur; ac *Thorkillum*, qui in vicinia conditæ a se novæ urbis Wiburgensis, colonos Svecos nullos collo-

li V idus Sept. atque ad nominatum super Archiepiscopum Ducemque missæ (quas præter ÖRNHJÄLMIUM l. c. exhibet VASTOVIVS l. c. p. 161. Ed. Colon. Cfr. a CELSE l. c. p. 41) diligentius inspectæ, huic conjecturæ favere, mihi quidem videntur. Dicit Pontifex, gravem esse ad Apostolicam fidem querelam perlatam, quod Fenni semper imminentे sibi exercitu inimicorum, fidem servare Christianam promittunt, & prædicatores & eruditores Christianæ legis desideranter requirunt, & recedente exercitu fidem abnegant &c. Quare judicat non esse dignum ut eis in adversitate Christianum nomen defensionem conferat quod in prosperitate despiceret & horrere probantur: hinc addens, universitatem vestram monemus atque mandamus, quatenus a fallaciis & fraudibus eorum ita prudenter & discrete de cætero caveatis, quod si ingruerit necessitas ad auxilium & defensionem, vestram non possint recurrere, nisi munitiones, si quas habent, vobis tuendas assignent, aut alias adeo sufficientem cautionem exhibeant & securitatem, quod a modo nullatenus pedem retrahere aut vestram prudentiam valeant circumvenire, sed Christianæ fidei documenta cogantur tenere firmiter & servare, ne amplius de eorum numero videantur de quibus dictum est, confitebitur tibi, cum beneficeris ei. Primum quidem, de Fennis aggrediendis aut nova expeditione contra illos suscipienda, nullum hic mandatum occurrat; multo minus revera susceptam fuisse, hinc effaci potest. Deinde, æque commode, si non commodius, de conditionibus sub quibus auxilium Fennis, ab aliis inimicis afflictis Svecorumque opem & præsidium implorantibus, hi impertire deberent, explicari posse Pontificis consilium videtur, quam de cautionibus in gente hac debellanda a Svecorum exercitu observandis. Mirum sane videri queat, Svecorum copias, ad religionis Christianæ professionem Fennos permoturas, vocari a Pontifice exercitum inimicorum; cum religionem Christianam professi parceretur, ei dici illis in adversitate Christianum nomen defensionem conferre; ac cum a Svecis vieti territive in fidem reciperenetur, hoc ei audire ingruentem necessitatem, qua pressis non debere Fennis concedi ut ad auxilium & defensionem Svecorum possent recurrere, nisi munitionibus suis traditis &c. Certe hac de Fennis Sveco imperio obsequium jam pollicitis, (quamvis religionem vi obtrusam inimi-

cavit, hoc consilium minus aut necessarium aut aptum rationibus suis existimasse, credere licet (26). Inter colonos autem qui *Erici Regis tempore immigrabant*, manum in primis *Helsingorum insignem fuisse*, probabile est, (licet nec numerum eorum, nec duces, tacentibus veterum monumentis, prodere nos audeamus (27)); idque non modo nominibus locorum credimus, ab *Helsingis ductis* (28), sed aliis quoque non obscuris rei eiusdem vestigiis (29).

H

Qua-

eo animo prosequentibus), ideoque a *Careliis, Russis* aliisque nationibus barbaris, saepius hostiliter impeditis Svecorumque auxilia orantibus, (cujus rei testimonia infra dabimus indubia), facilis capias? Nihil tamen affirmo.

(26) Sensim plures ex Svecia potuisse novos advenire colonos, negare quidem nolumus; sed nec tamen affirmandi rationes absunt. *Convocato præterea qui remansit populo terræ, pacem dedisse*, post partam victoriam Rex Ericus dicitur, (vid. ISRAËL ERLANDI, *Vita S. Erici* ed. a SCHIEFFERO, p. 9, & VASTOVIVS in Ejusdem Vita); ut sedibus suis Fennos a novis advenis passim exturbatos postea fuisse, vix sit probabile; nec bellum cum maritimis saepius deinde exarsisse, demonstrari potest. *Munitio[n]es si quas haberent, Fennis adimi jussit Romanus Pontifex, non vero terras possessionesque eripi.* Nec incultam incolisque vacuam relictam fuisse hactenus oram maritimam, probabile videtur.

(27) Qui scire vult, quid de his rebus fabulentur alii, nullas illi neque afferentes neque habentes assertiorum suarum rationes, consulat in primis *Dissert. ERICI ALROT de Gestricia* (Upsal. 1722. 4:o ed.) Part. Post. p. 4; unde discere licet coloniam ducentorum & quadraginta circiter hominum ex Gestricia & Helsingia in Finlandiam fuisse missam: quam rem, cuius plane nullam vetera monumenta memoriae conservant, ex peculiari sine dubio revelatione auctor rescrivit! Nomina etiam Ducum alii liberaliter suppeditant.

(28). Parocchia *Helsing*, urbs *Helsingfors* &c. Cfr. BUREI *Descr. Sveci* p. 34 & 35, atque L. PAULINI *Gothi Hist. Arct. L. I*, c. XXIV, p. 84.

(29). In Literis R. MAGNI *Erici F.* datis *Wesirearos a. 1331*, die

*Qualis denique status & conditio Fennorum esset, cum a Svecis bello petiti horum imperio subjicerentur, ex vetustis illis monumentis quæ hujus eventus nobis notitiam tradunt, (30) dicere parum licet. Obyiam quidem*

*exaltacionis S. Crucis, de Decimis ab incolis Advocacæ (Præfecture) Wiburgensis pendendis, ad quam Nylandia olim pertinuit, illi dispensantur in eos qui habitant in jure Karellico (Savolaxia & Carelia) & eos qui habitant in jure Helsingico (Nylandia). Vid. Lib. Privilegior. Eccles. Aboënsis (Åbo Domkyrka Swartbæk) Fol. 7 sq.*

In Literis Beronis Legiferi Nylandiae, dat. Tenalice a. 1345, dominica Reminiscere (Ibid. Fol. 6), legitur; apud habitatores terre Nylandie & rusticos insularum Finlandiae, jure Helsingonico subditos, diversa erat consuetudo in exhibendo Mathstot, cum in quibusdam Parochiis XIII Marche butiri, in quibusdam XII vel XI, quibusdam vero IX marche butiri solvebantur, &c. Unde patet, præter Nylandos, incolas etiam insularum Fennicarum, h. e. totam coloniam Svecicam, Helsingicæ fuisse originis, & ut videtur, legibus etiam olim usam Helsingicæ? Caussas autem, cur Helsingi potissimum, novas in his nostris oris quererent sedes, tacentibus vetutis monumentis, nullas nos quidem adferre valemus.

In eodem libro literæ etiam habentur (Fol. 10) HEMMINGI Episcopi Aboënsis, Clero & populo Nylandiam inhabitantibus in jure Helsingonico, datis a. 1349, in octava Apostolor. Petri & Pauli,

Ac singulare est, quod Birgerus Archiepiscopus Upsaliensis, in literis dat. Aboæ a. 1369, d. 8 Octobris, veterem confirmat morem in Finlandia receptum, ut loco oblacionum & Mathbyrdh incole solverent unam carpam stigginis cumulatam in jure Finnonico, & decem marcas butiri in jure Svecico (Ibid. Fol. 4). Unde patet, Fenos agriculturæ magis, colonos autem Svecos rei pecuariz, avito Helsingorum more, operam majorem dedisse.

(30) Quæ vix alia supersunt, quam Legendæ Sanctorum Erici Regis & Henrici Episcopi, in veteribus Breviariis reperiundæ; unde sua hauiisse plantum est & ISRAËLEM ERLANDI (cujus de vita & miraculis S. Erici Sveciæ Regis libellus edidit notisque illustravit Jo. SCHEFFERUS, Holm. 1675, 8<sup>o</sup>) & Autorem veterem Vitæ S. Erici, Svecice conscriptæ, quæ in Codice Ms. habetur quem a proximo pos-

dem hosti processisse, sed prælio' cruento superatos dispersosque Regi victori sese postea submisisse, pacemque ea conditione accepisse, quam oblatam primum spreviverant (31), ut Christianæ sc. religioni nomen darent sese-

sestore *Bildstenianum* appellare solet Nobil. LAGERBRING (Vid. Sw. R. Hist. 2. D. 7. C. 1. §, & Cel. Gjörwell Ullm. Tidningar, år 1770, N. 156, p. 621 sqq.) quamque typis vulgatain legere jam licet in Tomo IV *Scriptorum rer. Danicar. medii ævi* LANGEBEKII & SUHMII, V. V. III. N. CXXV p. 597-599, non minus quam ERICUM OLAI, VASTOVIVM reliquosque recentiores Scriptores ad unum omnes. Non improbabilis quidem videtur conjectura Nobil. LAGERBRING (l. c. not. (1)), *Israëlem Erlandi vitam* Erici Svetice conscriptam in Latinum sermonem libere convertisse, cuius deinde opere posteriores Breviaiorum compilatores usi sint (cfr. etiam BENZELIUS in Notis ad *Vastovium*, p. 94); qui tamen alia inde resecuisse, alia addidisse passim reperiuntur, ut conferenti facile patet: (Vid. ex. g. *Breviarium secunduni ritum alme ecclesie Arosiensis, impressum Basil. per Magistr. Jacobum de Phortzheim a. 1513*, (eui vero præmissa Epistola confirmatoria Episcopi Ottonis data est *Arosiae a. 1514*, sexto idus Octobris), Fol. 23 sqq. & Fol. 62 sqq. in Festis Sanctorum; & Legenda de R. Erico quæ ex *Passionali Lubecensi* inserta est Tomo IV *Scriptorum rer. Danicar. Langebekianorum*, p. 599 sqq.). Sed nec dubitari posse videtur, quin ante illam vitam Svetice compositam, Legendæ jam & S. Erici & S. Henrici, in usum cultus sacri his Ecclesiæ (ut ferebatur) martyribus mature exhibiti, Latine condita extiterint, unde materiam narrationum suarum & ille scriptor & (forte etiam illo non cognito?) posteriores acceperint: Festum certe S. Erici anno jami 1266 magno hominum concursu fuisse celebratum, ipse docet nobiliss. LAGERBRING l. c. §. 6, p. 163. Ecclesiæque cathedrali Aboënsi, quam in honorem b. Mariæ Virginis, & Sandi Henrici Episcopi & Martiris fundatam vocat, Papa Bonifacius VIII liberales indulgentias a. 1296 concessisse reperitur; in qua bulla *Festivitatum S. Henrici simul mentionem* facit, jam tum celebratarum (Lib. Eccl. Ab. F. 65); ut ita fama rerum ab iis gestarum satis conservari, donec scripto mandarentur, (licet pro ingenio temporis, superstitionisque Monachalis more adornata), facile potuisse videatur.

(31). *Coadunato exercitu, versus Finnones expeditionem direxisse,*

que baptizari sinerent, traditur (32). Sed quos duces habuerint, quanto numero fuerint vel occubuerint, quibus armis quoque loco pugnaverint, non commemoratur; multo minus quali vivendi modo, quibus moribus, aut qua reipublicæ forma usi fuerint? Hæc igitur aliunde, vix

---

ipsosque fide Christi prius (post adventum nempe suum?) obtata, ac pace exhibita, renitentes & rebelles in ultionem sanguinis Christiani manu valida aggressum fuisse, ac bello devictos vittorem prostravisse, narrat ISRAËL ERLANDI l. c. p. 7. Svecus autem vita S. Erici scriptor saepe obtulisse Divinam fidem ac pacem dicit; manvetudinem sc. Herois sui extollere studens. Verba ejus sunt: ja tha samkadhe han saman hår -- ok for til Finlanz ok stridde, ok drap alla thom som ey vido taka vidh råtviso ok råtte troo, for thy at han hafdhe opta thom Guds troo ok frid budit, oc the varo fju forhardhe, at the vido engalund undi ganga, utan medh hardhe hand. Quod liberalius adhuc ornat Generos. DALIN, scribens: Inman Eric reste ifrån Sverige, hadde han skickat bud til Fennarne, och sagt dem upriktigt til, at han årnade hemföka dem med krig, om de ej godvilligt gafvo sig under hans välde och antogo Christna läran: men sådant hade de med högmod afslagit: han landsteg deraföre med så mycket större skål &c. Nempe debebant Fenni religionem incognitam, & peregrinum Dominum, sine ulla mōra ac deliberatione recipere! Ac mirum est, nomina etiam legatorum in Fenniam præmissorum (qui periculosis fane suscepserant æter), non prodi!

(32). Institutione scilicet vel nulla vel exigua admodum præmissa, pro more temporis fatuo plane atque barbaro; quali ex. g. Hispanos etiam postea Peruvianis fidem Christianam obtrusisse, non sine indignatione legimus. Quamquam addunt laudatores nostri gestorum S. Regis, eum superatis hostibus reliquum terræ populum convocasse, & pace data fideque Christi prædicata, sacro baptimate tingi iussisse. Interpretes autem idoneos unde habuerit, non commemorant: quibus neque sua docendi & convincendi ratio indignit, promptior sc. longe ac potentior. Mirum igitur videri nequit, populum ita conversum, odium novæ religionis vehemens concepisse, veterisque superstitionis studium acre retinuisse; unde ortum habuit misera illa Christianismi & paganismi mixtura, quam diu adeo apud majores nostros obtinuisse, scimus.

vix tamen illa nisi per conjecturam, colligenda sunt. Ac victoriam quidem facile fuisse, nec bellum vel diuturnum vel formidolosum, VASTOVIO non difficuler credimus (33); cum Fennos parum ad resistendum paratos fuisse atque instructos, verisimile sit.

Primum enim, Rege aut Duce aliquo, satis gravem ad bellum, feliciter administrandum auctoritatem exercente, destitutos fuisse, certum est. Non tantum nulla Imperatoris aut Principis Fennici in veterum, de expeditionibus vel R. *Erici* vel Ducis *Birgeri* contra Fennos suscepitis, narrationibus mentio fit; sed ne nomen quidem Regiae aut Principalis dignitatis ullum in tota lingua Fennica existat. Quæ Islandorum Carmina atque Narrationes de Finnorum quibusdam Regibus habent, vel fabulis annumeranda sunt, vel ad nostros certe maiores non pertinent. (Cfr. Diss. D:ni Frantzén de *Bircarlis*, superiore anno hic editæ p. I. §. 1, not. (d) & (e).) Incerti autem auctoris *Chronicon Finlandie*, quod omnino præter meritum suæ inferuit *Biblioteca Svecica* (Schwedische Bibliothec p. I, p. 90 sqq.) Ill. *Nettelbladz*, adeo insulsum est, putidum, omnique fide indignum, ut neque mentio ejus ulla in monumentis Historicis fieri debeat. Sine dubio itaque in libertate naturali maiores nostri, usque ad Svecorum adventum vixerant, Seniorum (quod idem de Estonibus narrat Auctor Chronicus veteris apud Grüberum l.c. ad a. 1210, §. 3, p. 78. sq.) auctoritati quidem, ubi opus esset, nulli vero imperio parentes, multarum aliarum barbararum more gentium: quo facilius vinci sub*H 3* igi-

(33) Qui in vita S. *Henrici* dicit: *qui quis hostibus, & Finnonibus* facile negotio, *Rege coelesti terreni Regis pietatem prosperante, fidei Christi & suo dominio subjugatis, cæt.*

rigique poterant. Non nisi unum prælium cum iis commissum vetera commemorant monumenta, idque valde sine dubio tumultuarium: quo superatos, dispersos mox fuisse domitosque, docent. Munitionum vel castrorum expugnatorum nulla fit mentio: ac credibile est, in sylvis suis aliisque locis aditu difficilibus, nulla quidem humana arte firmatis, perfugium præsidiumque quæsivisse. Ad quæ forte significanda vocabulum *Linna* (arcem manu humana ædificatam vulgo jam denotans), primum pertinuit; quod hinc montibus quibusdam, nulla artis opera munitis, hodieque tribui, notum est. Neque Papæ *Alexandro III.* (cujus literas supra p. 55 seq. (25) commemoravimus) de munitionibus Fennorum aliquid innotuisse, verba sua satis docent. Estones tamen iis non caruisse, certum est; quod vel *castellum Somelinde*, (Suomen *Linna*, *Fennorum arx*) cuius in vet. *Chronico* apud *Gruberum* (p. 82) mentio fit, abunde testatur. Sed hos, utpote aliorum populorum commercio frequentiori usos, vitæ cultu nostris majoribus eo tempore præstissime, probabile queat videri? Militaris etiam disciplina eosdem non omnino fuisse expertes, ejusdem auctor veteris *Chronicæ*, passim ostendit; qua nostros nullo tum valuisse majores, verisimile est: unde nec terram suam contra instructiorem copiisque validum hostem potuisse defendere, sed primo fusos prælio, quotquot in regionem interiorem effugere nequiverant, mox sese submississe, mirum videri debet. Quo aut pugnandi more, aut armorum usi fuerint genere, æque incertum manet. Etiam ex equis pugnassemus Estones, dubio caret; (vid. *Gruberus* l. c. p. 76). De nostris nihil tale constat. Nomina vero *arcus* (*Jouhi*, *Jouhti* l. *Joutti*, qui Wogulis & Ungris est *Jaut*), *Sagittæ* (*Muossi*, *wasama*), *lanceæ* l. *bastæ* (*Keihæs*), *Gla-*

*Gladii* (Mieckai), *clavæ* (Nuija), *scuti* (Kilpi?), &c., nostris vernacula, vetustum horum telorum armorumque usum produnt.

Quis cæterum gentis nostræ iis temporibus conditio atque status esset, æque difficulter, nec nisi per conjecturas, atque ex iis vestigiis morum quæ linguæ vernaculae opes offerunt, indagare licet. Sedes stabiles, domos & pagos habuisse, dubium non est. *Kylä*, *Huone*, *Pirtti*, *Sauna*, *Aitta*, &c. (*pagus*, *domus*, *balneum*, *horreum* &c.) indigena domesticaque nostris sunt vocabula. Si itaque quæ de *Fennis* narrat TACITUS (*de Moribus Germ.* c. 46,) vel ad nostros maiores pertinuisse, vel certa niti fide doceri posset; valde mutatos interim fuisse gentis mores, inde pateret: sed neutrum dare possumus. Venatu quidem atque pisca-tu multos vitam sustentasse, haud ambigimus; verum neutri-quam omnes his solis. Agricolam enim, ante jam quam ad has oras migraret, nationem fuisse, ac rei simul pecua-riæ operam dedisse, admodum verisimile est. Non illud jam urgeo, ipsum *agri* nomen (*Pelso*) nostris esse com-mune cum Ungris (*Föld*), adeoque antiquius videri gen-tis utriusque divortio, in avitis illis suis in Caspii maris vicinia sedibus facto; video enim a Germanico *Feld* (Svecis *Fält*) utrumque posse non incommode derivari: sed magna præterea vis nominum, ad rem agrariam per-tinentium, vernaculorum & plane indigenorum su-perest, in quibus nulla peregrinae suspicio originis locum habere possit. Inprimis in agriculturæ illo genere (Svetice *Swedjebru*) quo sylvarum exusta-rum cineri semina committuntur, maiores nostros jam antiquitus peritiam comparasse, in aprico est. Quod vel copia vocabulorum vernaculorum varias hujus operis partes, status, labores & instrumenta subti-liter

liter distinguentium, satis indicat (34); quæ quidem diligentius persequi singula, hujus loci non est. Confirmat eandem rem diligentia, qua proxime sequente jam seculo agriculturæ studuisse Fenni reperiuntur; quamque ad colonis Svecis, rei pecuariæ quam agrariæ illis temporibus studiosioribus, i (ut neque hodie Nylandi Fennis agri colationis palmam præcipiunt) didicisse, credibile non est, e quorum lingua vocabula agriculturam resipientia haud multa mutuasse, deprehenduntur.

*Civitatis, Legum, Magistratum atque Judicum nulla licet indigena vernaculus sermo ostentet nomina, fædere tamen quodam (F. Littto) patresfamilias inter se conjunctos fuisse, atque in commune consultasse, non tantum socius libertatem defendendi conatus collectaque & hostibus opposita incolarum manus ostendit, sed comitiorum etiam nomen vernaculum (Kârâjä) confirmat. Qui Nobilium ordinem prærogativasque ignorabant, servis tamen usi sunt, ut miseræ hujus conditionis nomen (Orja, Orjuus) indigenum prodit. Urbium nec ulla vestigia extant Svecorum adventu antiquiora, nec vocabula illas spectantia nisi a Svecis manifesto mutuata habemus; qualia sunt Kaupungi, Tori l. Turku, Ratu, Marckina &c. (35). Opificium*

(34) Ex. g. Kastti, Huhta, Karsi, Palo, Kârâti, Lottero, Nassi, Aho, Kytömaa &c. Porro Wainio, Moisio, Halme, &c. Item Sahra, Hara, Hes l. Hjes, Tyräs, Seuna, Warta l. Warsta, Sirppi, Wikahde, Röhla, &c. Item Cerealium nomina Õhra, Nisu vel Wehka, &c. Item Tauho, Talcuna, Piuro, Leipä, Tyrkä, Kyrskä, Rocka, Sähki, Kalsa &c. Item Papu, Hernet, Nauris, Pellawa &c. Quæ abunde docent, gentem nostram non heredemum aut nudius tertius agrorum cerealiumque cultum didicisse atque exereuisse.

(35) Quod omni tamen mercaturæ genere carere haud possent, vendendi & emendi vocabulis vernaculis non destituimus (myydk & ostaa).